

萬曆武功錄

萬曆武功錄卷之二

翰林院添註待詔瞿九思著

兩京

南直隸

江賊何旺李七列傳

何旺。蕪湖盜也。甲戌夏。縣令倪湯。以民事適旁近郡。先是旺與沙環等。公行江上。桴鼓晝鳴。一日道蕪湖。見縣無城郭。心竊數數然動。廼相與謀曰。盍不入其庫而奪之金乎。環曰。毋妄言。妄言覺矣。是日微使人走縣庭。會縣令出。庭中空無人。於是乘夜半。鍾鳴漏

盡巡徼吏及司庫奚仁能皆暝睡。旺乃以二百餘人循牆而進。執司庫。奪庫金凡伍千八百七十八兩伍錢。視縣事者丞李亞春。見賊勢盛。弗出。望等得揚揚盈囊而入於江也。且日出。亞春卽請於備兵使丁應壁。及太平守錢立貴。江防使陳所敏。廼簿責把總承應奎。指揮戴冕。百戶徐鑿。巡徼之謂何。於是罰治司庫。賣子鬻產。猶不能償其什一二。而廼使使者疏捕江干。旣四面而出。是時諸偷固知我邏卒追逐急也。乃相與議。議分金別去。而旺等僅遺六人。偕携一千一百七十餘金。直走太興馬橋鎮。佯爲賈人。收買禾

忝以示毋疑。所在見旺銀皆有鑿字。疑此必庫金。因使邏卒執之。鄒鎬縣庭中。鞫問。果蕪湖曩所爲略庫盜也。居頃之。操江使董堯封。及臺御史宋儀望。御史鮑希顏。蔣科。皆輕重當備兵。使以下罪以請。而尚書傳頤。給諫蔡汝賢。王頤。亦劾。奏其事。先是春二月。

儀真卿大夫曾三省。被盜。焚燒男女十四人。以故廷議爲江防計至悉。而上亦幸念南畿重地。武備不修。江洋盜賊公行。乃問諸兩臺。且詔謂科道。公論所出。如今人臣爲國家任事。有功者便苛責。搜求無已。因循疎怠。玩時失事。却一言不及。公論何在。事下

吏兵二部問狀。於是大冢宰張瀚。大司馬譚綸。覆

奏。與臺諫所請同。詔廼寬假宋儀望。以望視事日

淺也。而獨董堯封。調外任。貶秩一等。巡江諸御史。候滿歲考察。承應奎等。閑住。李亞春。免官。皆待罪行間。提邏率大索諸偷。於江上也。居二月。備兵使王叔杲。捕獲偷長陳子胡。孟其等。詔梟斬。以徇江上。

李七。江都盜也。專與小菴胡雲霞。行江干。丁丑冬。七等道江都。而會鹽商宋國徽。居鈔關。頗以財鳴。七廼與其黨。呂守城謀曰。吾等得執此人。足吾事矣。柰堅城何。而比丘日池。樂玄。前曰。阿僧自有笑亡恙也。是

夜夜漏十三刻。皆後先乘階而入。直馳國徽室。奪其金千餘兩。及鹽引首飾。諸什物亡筭。是時鍾鳴漏盡矣。而縣道倉卒不及聞。以故諸偷得亡恙。七等既得金。欲出城急。卽佯爲巡徼兵。數數然走北關。索魚鑰。而監門石恒等。固疑此必非巡徼兵也。堅弗與。七等竟斬關而去。旦日江都令秦應驄。及巡徼指揮王表。同知張民範。請於太守虞德燁。因移備兵使陳文煥。檄所在大索江干。不可得。而是時李七李憲等三十人。已揚揚鼓行而至秣陵。廼旦莫遊於酒人乎。從歌兒舞女飲醇酒。大自踰快也。而東城兵馬使劉縠。

使番兵呂甫等偵之。具得其狀。卽逮捕。以檻車膠致臺御史張岳所。於是請於上。先是。檠收捕呂得茂。而南司馬翁大立至是。請以檠遷應天。倅行兵馬事。或先加五品服俸。以旌其功。是時。上怒諸臣隱匿不報。皆下大司馬方逢時問狀。頃給諫裴應章劾奏其事。而會大裕。上復謂急忙論。奏塞責。且不究。於是大司馬覆請。上幸賜文煥告。罰虞德燦。秦應驄。董光裕。俸凡三月。張民範等。下御史逮問。賜劉檠服俸視五品。而復申之曰。近來地方官。以捕法嚴。往往隱匿避罪。或諱言賊情。務爲無事。反責失主。

妄報。以致盜賊滋多。將來必成大患。欽哉。王言其誰不凜凜於明威乎。上寧寬假其期。務在收捕而已。先是李憲等繫獄。而會繫飲中貴人高順所。憲見獄外。獨陶葵守之。廼越獄。歐傷葵什地。卽走。奪屠者馮五刀。殺市民秦果。李鳳以畏阻追亡者。旣行。至正陽門。監門中貴人劉忠。使使者馮欽。馮玉執之。就吏於是給諫王良心劾。奏繫至備也。

讚曰

善哉乎。宋公鮑公。所條對諸計畫也。余嘗南到新安。西過江淮矣。而江盜礦盜。最號爲強盛。廼欲盡緣江。

居民編爲保甲。而以洲長隊長統之。假令蚤行其策。則豈復有何咎。李七哉。至若黃山。良禾嶺。及大鱗嶺。皆請增邏司。此尤所以深爲礦計。余每覽是疏。則未嘗不爽然自失也。

海賊嚴大邦列傳

嚴大邦海上巨盜也。與王安宗楊善先是沈璧以保姦伏漢法。適邊久之。遂逃而歸。乃嘆曰。人言不能流芳百世。亦當移臭萬年。吾豈能長嬰大罪。而以一戍卒。老死塞上乎。卽買舟走海上。與嚴大邦嚴中行約。與其居海島間。鼠竊狗偷。孰與拏舟。命榜人揚帆而走。三吳可乎。於是聚黨數百人。直走牛角尖。牛角尖故嘉定界也。大邦等殊不畏疆吏法。至威重。廼執戎兵。公行村落中。略朱四王榜。羅應鎮。唐歪頭。燒沈教。徐良。朱阿二。桴鼓晝鳴。是時備兵使王叔杲檄遊擊。

童養浩。千戶周崇仁。日夜巡徼江上。唯恐安等不東走越。則北入海也。頃邏卒收捕大邦。中行。詣太守吳善言。對簿。皆辭染有仇者。以飾已非。太守故知此曹皆世居海上。盤牙連歲。出沒海洋江浦之間。而故託名在官。聾聵所在。由此縣庭左右。皆一切願爲耳目。縣道莫能禽。今賴陛下威武。執大邦。廼以其家貲沒入縣官。修起城垣。令官兵犁其庭。掃其廬。而營堡之。因行保甲法。則廟堂聞而後喜可知矣。而臺御史宋儀望上書以請。事下大司馬譚綸。覆奏。乃梟斬嚴大邦等於海島間。諸偷於是乎解散。不敢復

入太倉界。

讚曰

崇明去海島甚近乎。而患在保姦。不畏沈命法。諸偷盜竝亡。抵於其所。異哉。今動一嚴大邦。海濱皆圍視。而懼無復欲干我橫海將軍者矣。以余所聞。成周時海不揚波。庶幾近是與。不然。何海邦諸逋寇滅之。不遺餘力也。

武城錄卷之三
三
武城錄卷之三
三

湖盜殷應采列傳

殷應采太湖盜也。太湖故震澤之水。跨蘇常湖三大郡。寥邈八百里而遠。港瀆縱橫。蘆葦翳翳。湖盜往往窺秋冬之隙。相扇而起。戊子歲。饑民流盜賊公負而殷應采等。遂以五月乘夏水。操輕舟十餘艘。往來茭瀆沙塘港之間。略瞿守愚。戴良龍。裴炯。橐中裝而去。自是之後。應采益標悍。亡所顧忌。身常服鮮紅袍。推擇鎮江比丘一人爲長。諸酋皆稱長官。其姓名唯恐人知。有如蘇常事覺。則闕匿於浙中。湖南索急。則鼠竄於湖北。自以爲漢法。烏柰我何也。乃至周鐵橋佯

爲民買桑。因略桃灣諸富室。而會吳江人張春。舟載
綿紬。道逢應采等。竝略其舟。是時海防使沈堯中。
祝眉壽。卽與常州守譚桂。及宜興令陳璘璋。帥簿吳
坤。邏使李清倫。巡徼沙塘。百瀆。烏溪。諸港。港中盡以
校聯樹塞其中。禁行舟過。賓往來也。應采等果不敢
入禁地。乃分其三舟。載油十簍。又佯爲商。直走長興。
出賣。謁近事。而下邳。諸邏卒鏖戰香山嘴。殺六人。生
得十六人。諸偷悉逐逃走。走黃瀆湖。而大保崔忠等。
追亡逐北。奪獲賊舟一艘。及衣服諸什物。廼止壁馬
跡焦橫山。然亦乍往乍來。亡常所也。於是臺御史余

立。廼咨浙臺御史滕伯翰。卽檄備兵使李淶。提劉河兵。出宜興。躡其後。副總戎馬繼武。提吳淞兵出胥口。邀其前。是日兩營沙唬船。旣四面而至。而我伏波將軍。先以四小艇。佯爲賈人偵諸偷。諸偷則悉已久馳馬山矣。廼下令把總韓良貴等。偃旗鼓。分道而進。旣進至馬山。山下空無人。卽趨召土人。胡應陽等問狀。應陽具言諸偷多湖州長興人。專乘大風能破浪而行。行不得風。輒潛荊葦中。風來又復拏舟去。去殆如鳥徙。將軍向來。吾等猶及望見群數十艇。殷殷在西山灣也。於是將軍躬提樓船十餘艘。追逐至長興。夾

蒲港果若山人言猶在萑葦中有狀於是祝海防兵
生獲高滔談虎高志顧康殷周顧良士殷玘盧梓蔡
五吳把總兵生獲渠魁殷應采沈海防兵生獲高泮
殷模殷植馬總戎兵生獲和尚如成及吳勘蔣秀周
科徐侃沈秀丁洪等餘黨復逐逃先是上有詔詔
所在協力禽捕以靖地方而湖州捕諸港亦急乃生
獲陸良策王正高良臣潘阿毛等以百數是後臺御
史佘立御史荊州士及浙御史馬朝陽皆後先使使
者奏事乃請以廷臣條對善後諸計策於是給諫
張希臯御史彭而珩方萬策及三臺復以書奏對